

საპრედიტო პრობების კვლევა

III კვარტალი, 2023



საქართველოს ეროვნული ბანკი
National Bank of Georgia

საკრედიტო პირობების კვლევის მიზანი და მეთოდოლოგია

საქართველოს ეროვნული ბანკი 2013 წლიდან ატარებს საკრედიტო პირობების კვლევას. გამოკითხვა ონლაინ პლატფორმის საშუალებით ტარდება, ხოლო რესპოდენტებს საბანკო სექტორის მაღალი რგოლის მენეჯერები წარმოადგენენ. კვლევის მიზანს რესპოდენტებისაგან დაკრედიტების მიმდინარე და სამომავლო ტენდენციებზე ინფორმაციის მიღება წარმოადგენს. კერძოდ, კვლევა მოიცავს კითხვებს ფიზიკური და იურიდიული პირების სესხებზე მოთხოვნისა და დაკრედიტების საპროცენტო და არასაპროცენტო პირობების ცვლილებაზე, ასევე კითხვებს ამ ცვლილების გამომწვევი ფაქტორების შესახებ.

კითხვარი შედგება მხოლოდ ხარისხობრივი შეკითხვებისაგან და არ მოითხოვს რესპოდენტთა მხრიდან რაოდენობრივ შეფასებას. ინფორმაციის რაოდენობრივ ერთეულებში გარდაქმნისათვის გამოყენებულია საბალანსო სტატისტიკის მეთოდოლოგია. ინდექსი მერყეობს -100-დან 100-მდე. 100 აღნიშნავს, რომ გამოკითხულთა 100% აღიქვამს ტენდენციის მნიშვნელოვან გაუმჯობესებას. ინდექსი -100 აღნიშნავს, რომ რესპოდენტთა 100% მნიშვნელოვან გაუარესებას აღიქვამს. 0 აღნიშნავს, რომ ტენდენცია არ შეცვლილა გასულ კვარტალთან შედარებით. ინდექსის დათვლისას რესპოდენტთა პასუხებს თანაბარი წონა აქვთ მინიჭებული, განურჩევლად ბანკის ზომისა.

გამოკითხვის შედეგების ანალიზის საფუძველზე ყოველ კვარტალურად ქვეყნდება ანგარიში. გარდა კვლევის საბოლოო შედეგებისა, აღნიშნული ანგარიში მოიცავს ოფიციალურ სტატისტიკურ ინფორმაციას დაკრედიტების ტენდენციების შესახებ.

ამ ანგარიშში წარმოდგენილი მოლოდინები ასახავს მხოლოდ საკრედიტო პირობების კვლევის რესპოდენტთა შეფასებას დაკრედიტების მომავალ ტენდენციაზე და არა ეროვნული ბანკის წარმომადგენელთა მოლოდინებს.

საკრედიტო პირობების კვლევა

მოკლე შეჯამება	4
ბიზნესის დაკრედიტების პირობები და ტენდენციები.....	5
ფიზიკური პირების დაკრედიტების პირობები და ტენდენციები	9

დიაგრამა 1. ბიზნეს სესხების მოთხოვნისა და საკრედიტო პირობების ცვლილება.....	5
დიაგრამა 2. ბიზნეს სესხების საკრედიტო პირობების ცვლილებაზე მოქმედი ფაქტორები.....	6
დიაგრამა 3. საპროცენტო განაკვეთები და საკონტრაქტო ვადიანობა ბიზნეს სესხებზე.....	7
დიაგრამა 4. ბიზნეს სესხებში უმოქმედო და უარყოფილი სასესხო განაცხადების წილი	8
დიაგრამა 5. ფიზიკური პირების სესხებზე მოთხოვნისა და საკრედიტო პირობების ცვლილება	9
დიაგრამა 6. ფიზიკურ პირებზე გაცემული სესხების დაკრედიტების პირობების ცვლილებაზე მოქმედი ფაქტორები	10
დიაგრამა 7. სესხის მომსახურებისა (PTI) და უზრუნველყოფის (LTV) კოეფიციენტების განაწილება.....	10
დიაგრამა 8. ფიზიკურ პირებზე გაცემულის სესხების საპროცენტო განაკვეთები და საკონტრაქტო ვადიანობა	11
დიაგრამა 9. უმოქმედო და უარყოფილი სასესხო განაცხადების წილი ფიზიკურ პირებზე გაცემულ სესხებში	12

მოკლე შეჯამება


საკრედიტო პირობების კვლევის მიხედვით, 2023 წლის მესამე კვარტალში, წინა კვარტალთან შედარებით, ბიზნეს სესხებზე მოთხოვნა მცირედით გაიზარდა. საბანკო სექტორის წარმომადგენლები მომდევნო კვარტალში ბიზნეს სესხებზე მოთხოვნის მცირე ზრდას კვლავ ელიან. ამავე კვლევის მიხედვით, მესამე კვარტალში, წინა კვარტალთან შედარებით, დაკრედიტების პირობები ბიზნეს სესხებისთვის მცირედით გამკაცრდა უცხოურ ვალუტაში, ხოლო ადგილობრივ ვალუტაში მცირედით შერბილდა. საბანკო სექტორის წარმომადგენლები მომდევნო კვარტალში უცხოური ვალუტით გაცემულ სესხებზე დაკრედიტების საპროცენტო პირობების მცირედით გამკაცრებას კვლავ ელიან, ხოლო არასაპროცენტო პირობების მნიშვნელოვანი ცვლილება მოსალოდნელი არაა.

საკრედიტო პირობების კვლევის მიხედვით, 2023 წლის მესამე კვარტალში, წინა კვარტალთან შედარებით, ფიზიკურ პირებზე გაცემულ სესხებზე მოთხოვნა არ შეცვლილა. თუმცა მომდევნო კვარტალში ფიზიკურ პირებზე გაცემულ სესხებზე მოთხოვნის მცირედით ზრდა არის მოსალოდნელი. კვლევის მიხედვით, დაკრედიტების არასაპროცენტო პირობები ფიზიკურ პირებზე გაცემული სესხებისთვის არ შეცვლილა. საპროცენტო პირობები შერბილდა ეროვნული ვალუტით გაცემული სესხებისათვის, ხოლო უცხოური ვალუტის შემთხვევაში პირობები მნიშვნელოვნად არ შეცვლილა. საბანკო სექტორის წარმომადგენელთა აზრით, მომდევნო კვარტალში დაკრედიტების პირობების მნიშვნელოვანი ცვლილება მოსალოდნელი არაა.

ბიზნესის დაკრედიტების პირობები და ტენდენციები

საკრედიტო პირობების კვლევის მიხედვით, 2023 წლის მესამე კვარტალში, წინა კვარტალთან შედარებით, ბიზნეს სესხებზე მოთხოვნა გაიზარდა. საბანკო სექტორის წარმომადგენლები 2023 წლის მეოთხე კვარტალში ბიზნეს სესხებზე მოთხოვნის მცირე ზრდას კვლავ ელიან. ეროვნული ბანკის ხელთ არსებულ მონაცემებზე დაყრდნობით, 2023 წლის მესამე კვარტალში, წინა კვარტალთან შედარებით, ბიზნეს სესხების პორტფელის ზრდამ 16.1%¹ შეადგინა. ბიზნეს სესხების ზრდამი უცხოური და ეროვნული ვალუტით გაცემულ სესხებს დაახლოებით თანაბარი წვლილი შექონდათ. მნიშვნელოვანია აღინიშნოს, რომ ბიზნეს სესხების ზრდა სექტორულ ჭრილში ძირითადად ვაჭრობისა და წარმოების სექტორების დაკრედიტებამ განაპირობა. საკრედიტო პირობების კვლევის მიხედვით, 2023 წლის მეოთხე კვარტალში ბიზნეს სესხებზე მოთხოვნის ზრდას კვლავ ელიან (იხ. დიაგრამა.1).

დიაგრამა 1. ბიზნეს სესხების მოთხოვნისა და საკრედიტო პირობების ცვლილება²



წყარო: საკრედიტო პირობების კვლევა, სეზ.

2023 წლის მესამე კვარტალში, წინა კვარტალთან შედარებით, დაკრედიტების პირობები ბიზნეს სესხებისთვის მცირედით გამკაცრდა უცხოურ ვალუტაში, ხოლო ადგილობრივ ვალუტაში მცირედით შერბილდა. დაკრედიტების პირობების მცირედით გამკაცრება ძირითადად ფინანსური რესურსის ხარჯის ზრდას უკავშირდება. თუმცა, უნდა აღინიშნოს, რომ ადგილობრივ ვალუტაში დაკრედიტების პირობების შერბილებაზე დადებითად მოქმედებდა მონეტარული პოლიტიკის ცვლილება (იხ. დიაგრამა 2). ეროვნული ბანკის ხელთ არსებულ მონაცემებზე


¹ აღნიშნული მონაცემი ასახავს გაცვლითი კურსის ეფექტის გამორიცხვით, სეზონურად შესწორებული სესხების გაწლიურებულ ზრდას.

² საკრედიტო პირობებისა და მოთხოვნის ცვლილების ინდექსი მერყეობს -100-დან 100-მდე. 100 აღნიშნავს, რომ რესპოდენტების 100% აღიქვამს ტენდენციის მნიშვნელოვან გამკაცრებას/ზრდას; -100 აღნიშნავს მნიშვნელოვან შერბილებას/შემცირებას; 0 აღნიშნავს, რომ ტენდენცია არ შეცვლილა გასულ კვარტალთან შედარებით. 2023Q4* ასახავს საბანკო სექტორის წარმომადგენლების მოლოდინებს 2023 წლის მეოთხე კვარტალზე.

დაყრდნობით, არასაპროცენტო პირობები, როგორცაა საკრედიტო ხაზის ლიმიტი, მცირედით შეიცვალა და, ამავდროულად, სესხის ვადიანობა მცირედით შემცირდა (იხ. დიაგრამა 3). საბანკო სექტორის წარმომადგენლები არასაპროცენტო პირობების მნიშვნელოვან ცვლილებას მომდევნო კვარტალში არ ელიან. ეროვნული ბანკის ხელთ არსებულ მონაცემებზე დაყრდნობით, სექტემბერში, ივნისთან შედარებით, საპროცენტო განაკვეთი თვის შიგნით ეროვნული ვალუტით გაცემულ მსხვილ ბიზნეს სესხებზე 2.1 პპ-ით, 12%-მდე შემცირდა.

რაც შეეხება უცხოური ვალუტით გაცემულ სესხებს, სექტემბერში, ივნისთან შედარებით, თვის შიგნით გაცემული მსხვილი ბიზნეს სესხებისთვის საპროცენტო განაკვეთი ევროთი გაცემული სესხებისათვის 1.3 პპ-ით გაიზარდა და 8.7% შეადგინა, ხოლო დოლარით გაცემული სესხებისათვის აღნიშნული 1.5 პპ-ით შემცირდა და აგრეთვე 8.7% შეადგინა. მცირე და საშუალო ბიზნეს სესხებისთვის, საპროცენტო განაკვეთი ეროვნული ვალუტით გაცემული სესხებისთვის 1.8 პპ-ით, 12.6%-მდე შემცირდა. რაც შეეხება უცხოური ვალუტით გაცემული სესხებს, ევროთი გაცემული სესხებისთვის საპროცენტო განაკვეთი 0.3 პპ-ით გაიზარდა და 6.9% შეადგინა, ხოლო დოლარით გაცემული სესხებისთვის საპროცენტო განაკვეთი, 0.3 პპ-ით, 8.4%-მდე შემცირდა (იხ. დიაგრამა 3). საკრედიტო პირობების კვლევის მიხედვით, გაიზარდა განაკვეთი ფიქსირებული განაკვეთით გაცემული უცხოური ვალუტის სესხებზეც. გამოკითხულთა აზრით, მომდევნო კვარტალში საპროცენტო განაკვეთი უცხოური ვალუტით გაცემული სესხებისთვის შესაძლოა მცირედით კვლავ გაიზარდოს.


დიაგრამა 2. ბიზნეს სესხების საკრედიტო პირობების ცვლილებაზე მოქმედი ფაქტორები ³



წყარო: საკრედიტო პირობების კვლევა

³ დიაგრამა საკრედიტო პირობების ცვლილებაში თითოეული ფაქტორის წილს ასახავს. დადებითი წილი მიუთითებს ფაქტორის წილს გამკაცრებაში, ხოლო უარყოფითი შერბილებაში.

დიაგრამა 3. საპროცენტო განაკვეთები და საკონტრაქტო ვადიანობა ბიზნეს სესხებზე⁴



წყარო: სეზ.

2023 წლის მესამე კვარტალში, წინა კვარტალთან შედარებით, უმოქმედო სესხების წილი ბიზნეს სესხებში მცირედით შემცირდა.⁵ მესამე კვარტალში, წინა კვარტალთან შედარებით, უმოქმედო სესხების წილი ჯამურად ბიზნეს სესხებში 0.2 პპ-ით შემცირდა და 2.9% შეადგინა. ვალუტების ჭრილში, მნიშვნელოვანია აღინიშნოს, რომ უმოქმედო სესხების წილი ეროვნული ვალუტით გაცემულ ბიზნეს სესხებში მნიშვნელოვნად არ შეცვლილა და 2.7 იყო. ხოლო, აშშ დოლარით გაცემულ სესხებში უმოქმედო სესხების წილი 0.5 პპ-ით შემცირდა და 3.6% შეადგინა. რაც შეეხება ევროში გაცემულ სესხებს, უმოქმედო სესხების წილი ამ შემთხვევაში მნიშვნელოვნად არ შეცვლილა და 2.2% შეადგინა (იხ. დიაგრამა 4). საკრედიტო პირობების კვლევის მიხედვით, საბანკო სექტორის წარმომადგენლები მომდევნო კვარტალში უმოქმედო სესხების წილის შემცირებას კვლავ ელიან. გარდა ამისა, მნიშვნელოვანია აღინიშნოს, რომ 2023 წლის მესამე კვარტალში, წინა კვარტალთან შედარებით, რესტრუქტურული სესხების წილი ბიზნეს სესხებში 1.1 პპ-ით შემცირდა, რაც ბიზნეს სესხების პორტფელის ხარისხის გაუმჯობესებაზე მიუთითებს.


2023 წლის მესამე კვარტალში, წინა კვარტალთან შედარებით, უარყოფილი სასესხო განაცხადების წილი, როგორც ეროვნული, ისე უცხოური ვალუტით გაცემულ მცირე და საშუალო ბიზნეს სესხებში მცირედით გაიზარდა. მესამე კვარტალში, წინა კვარტალთან შედარებით, უარყოფილი სასესხო განაცხადების წილი ეროვნული ვალუტით გაცემულ მცირე და საშუალო ბიზნეს სესხებში მცირედით გაიზარდა 11.6%-მდე, ხოლო უცხოური ვალუტით გაცემული

⁴ საპროცენტო განაკვეთი თვის შიგნით გაცემულ მცირე და საშუალო და მსხვილი ბიზნეს სესხების ნაკადებზე.

⁵ უნდა ითქვას, რომ 2023 წლის ივნისიდან, მესამე კვარტალის ანგარიშში, სესხების ხარისხის მაჩვენებლები მოცემულ და შემდეგ ნაწილში დათვლილია IFRS-9-ის მიდგომის შესაბამისად.

სესხებისთვის 1.8 პპ-ით გაიზარდა 9.7%-მდე. რაც შეეხება მსხვილ ბიზნეს სესხებს, მესამე კვარტალში, წინა კვარტალთან შედარებით, უარყოფილი სასესხო განაცხადების წილი ლარში 0.5 პპ-ით გაიზარდა, ხოლო უცხოურ ვალუტაში 0.6 პპ-ით შემცირდა, 0.4%-მდე (იხ. დიაგრამა 4).

დიაგრამა 4. ბიზნეს სესხებში უმოქმედო და უარყოფილი სასესხო განაცხადების წილი




წყარო: სეზ.

⁶ უმოქმედო სესხების მაჩვენებლები 2023 წლის ივნისამდე ეროვნული ბანკის მეთოდოლოგიით არის დათვლილი. ხოლო ივნისიდან მოყოლებული აღნიშნული IFRS 9-ის მეთოდოლოგიას ეფუძნება.

ფიზიკური პირების დაკრედიტების პრობები და ტენდენციები

საკრედიტო პრობების კვლევის მიხედვით, 2023 წლის მესამე კვარტალში, წინა კვარტალთან შედარებით, ფიზიკურ პირებზე გაცემულ სესხებზე მოთხოვნა არ შეცვლილა. თუმცა მომდევნო კვარტალში ფიზიკურ პირებზე გაცემულ სესხებზე მოთხოვნის მცირედით ზრდა არის მოსალოდნელი. ეროვნული ბანკის ხელთ არსებულ მონაცემებზე დაყრდნობით, მესამე კვარტალში, წინა კვარტალთან შედარებით, ფიზიკურ პირებზე გაცემული სესხების გაწლიურებულმა ზრდის ტემპმა⁷ 10.5% შეადგინა (იხ. დიაგრამა 5). ვალუტების ჭრილში ფიზიკურ პირებზე გაცემული სესხების ზრდა მნიშვნელოვანწილად ეროვნული ვალუტით გაცემულმა სესხებმა განაპირობა. მნიშვნელოვანია აღინიშნოს, რომ მესამე კვარტალში უცხოური ვალუტით დაკრედიტების გაწლიურებულმა ზრდის ტემპმა -5.8% შეადგინა. საბანკო სექტორის წარმომადგენლები მომდევნო კვარტალში ფიზიკურ პირებზე გაცემულ სესხებზე მოთხოვნის მცირედით ზრდას ელიან.

დიაგრამა 5. ფიზიკური პირების სესხებზე მოთხოვნისა და საკრედიტო პრობების ცვლილება⁸



წყარო: საკრედიტო პრობების კვლევა, სეპ.


2023 წლის მესამე კვარტალში ფიზიკურ პირებზე გაცემული სესხებისთვის დაკრედიტების არასაპროცენტო პრობები მნიშვნელოვნად არ შეცვლილა. ეროვნული ბანკის ხელთ არსებულ მონაცემებზე დაყრდნობით, 2023 წლის მესამე კვარტალში, წინა კვარტალთან შედარებით, სესხის ვადიანობა შემცირდა, როგორც ეროვნული ისე უცხოური ვალუტით გაცემული იპოთეკური სესხებისთვის. თუმცა გაიზარდა იმ სესხების წილი, რომელთა სესხის მომსახურების

⁷ აღნიშნული მონაცემი ასახავს გაცვლითი კურსის ეფექტის გამორიცხვით, სეზონურად შესწორებული სესხების გაწლიურებულ ზრდას.

⁸ იხ. დიაგრამა 1-ის მეორე შენიშვნა.


კოეფიციენტი (PTI) 50%-ზე მეტია. სესხის უზრუნველყოფის (LTV) კოეფიციენტები მნიშვნელოვნად არ შეცვლილა. მთლიანობაში დაკრედიტების პირობების ცვლილება უმნიშვნელო იყო (იხ. დიაგრამა 6-8).

დიაგრამა 6. ფიზიკურ პირებზე გაცემული სესხების დაკრედიტების პირობების ცვლილებაზე მოქმედი ფაქტორები⁹



წყარო: საკრედიტო პირობების კვლევა

დიაგრამა 7. სესხის მომსახურეობის (PTI) და უზრუნველყოფის (LTV) კოეფიციენტების განაწილება




წყარო: სეზ.

საპროცენტო განაკვეთები ფიზიკურ პირებზე ეროვნული ვალუტით გაცემული სესხებისთვის შემცირდა, ხოლო უცხოური ვალუტის სესხებისათვის მცირედით გაიზარდა. კერძოდ, სექტემბერში, ივნისთან შედარებით, ეროვნული ვალუტით გაცემული სამომხმარებლო სესხებისთვის საპროცენტო განაკვეთი 1 პპ-ით შემცირდა და 16.9% შეადგინა. იპოთეკური

⁹ იხ. დიაგრამა 2-ის შენიშვნა.

სესხებისთვის საპროცენტო განაკვეთი 0.3 პპ-ით შემცირდა და 11.5% შეადგინა. რაც შეეხება უცხოური ვალუტის სესხებს, საპროცენტო განაკვეთი აშშ დოლარით გაცემული იპოთეკური სესხებისთვის 0.5 პპ-ით შემცირდა და 7.3% შეადგენს, ხოლო ევროთი გაცემული სესხებისთვის 0.6 პპ-ით გაიზარდა და 6.8% შეადგენს (იხ. დიაგრამა 8). გამოკითხულთა აზრით, მომდევნო კვარტალში ეროვნული და უცხოური ვალუტით გაცემული იპოთეკური და სამომხმარებლო სესხების საპროცენტო განაკვეთების მნიშვნელოვანი ცვლილება მოსალოდნელი არაა.

დიაგრამა 8. ფიზიკურ პირებზე გაცემული სესხების საპროცენტო განაკვეთი და საკონტრაქტო ვადიანობა¹⁰



წყარო: სგბ.

2023 წლის მესამე კვარტალში, წინა კვარტალთან შედარებით, უმოქმედო სესხების წილი¹¹ ფიზიკურ პირებზე გაცემულ სესხებში მნიშვნელოვნად არ შეცვლილა. კერძოდ, ეროვნული ბანკის ხელთ არსებულ მონაცემებზე დაყრდნობით, უმოქმედო სესხების წილი იპოთეკურ და სამომხმარებლო სესხებში მნიშვნელოვნად არ შეცვლილა და 2% და 2.4% შეადგინა, შესაბამისად. ვალუტების ჭრილში, მნიშვნელოვნად არ შეცვლილა უმოქმედო სესხების წილი უცხოური ვალუტით გაცემულ იპოთეკურ სესხებში. კერძოდ, ევროთი და დოლარით გაცემულ იპოთეკურ სესხებში უმოქმედო სესხების წილი უმნიშვნელოდ შემცირდა და 1.8% და 1.9% შეადგინა, შესაბამისად. რაც შეეხება ეროვნული ვალუტით გაცემულ იპოთეკურ სესხებს, უმოქმედო სესხების წილი მნიშვნელოვნად არ შეცვლილა და 2% შეადგინა (იხ. დიაგრამა 9). საბანკო სექტორის წარმომადგენლები 2023 წლის მეოთხე კვარტალში უმოქმედო სესხების წილის მნიშვნელოვან ცვლილებას არ მოელონ. 2023 წლის მესამე კვარტალში, წინა კვარტალთან


¹⁰ საპროცენტო განაკვეთი ფიზიკურ პირებზე თვის შიგნით გაცემულ სესხების ნაკადებზე.

¹¹ უმოქმედო სესხების მაჩვენებლები 2023 წლის ივნისამდე ეროვნული ბანკის მეთოდოლოგიით არის დათვლილი. ხოლო ივნისიდან მოყოლებული აღნიშნული IFRS 9-ის მეთოდოლოგიას ეფუძნება.

შედარებით, რესტრუქტურიზებული სესხების წილი ფიზიკურ პირებზე გაცემულ სესხებში მნიშვნელოვნად არ შეცვლილა.

2023 წლის მესამე კვარტალში უარყოფილი სასესხო განაცხადების წილი, როგორც ეროვნული, ისე უცხოური ვალუტით გაცემულ იპოთეკურ და სამომხმარებლო სესხებში შემცირდა. მესამე კვარტალში, წინა კვარტალთან შედარებით, უარყოფილი სასესხო განაცხადების წილი სამომხმარებლო სესხებში 46%-მდე შემცირდა. რაც შეეხება იპოთეკურ სესხებს, უარყოფილი სასესხო განაცხადების წილი ეროვნული და უცხოური ვალუტით გაცემულ სესხებში 7 პპ-ით და 6 პპ-ით შემცირდა და 14% და 19% შეადგინა, შესაბამისად (იხ. დიაგრამა 9).

დიაგრამა 9. უმოქმედო და უარყოფილი სასესხო განაცხადების წილი ფიზიკურ პირებზე გაცემულ სესხებში



წყარო: სეზ

პასუხისმგებლობის შეზღუდვის განაცხადი

ანგარიში მომზადდა საქართველოს ეროვნული ბანკის ფინანსური სტაბილურობის დეპარტამენტის ფინანსური სტაბილურობის ანალიზისა და მაკროფინანსური მოდელირების განყოფილების მიერ. ამ ანგარიშში წარმოდგენილი მოლოდინები ასახავს მხოლოდ საკრედიტო პირობების კვლევის რესპოდენტთა შეფასებას დაკრედიტების მომავალ ტენდენციაზე და არა ეროვნული ბანკის წარმომადგენელთა მოლოდინებს. ანგარიშში წარმოდგენილი სტატისტიკა დაკრედიტების მიმდინარე ტენდენციაზე განკუთვნილია მხოლოდ მიმდინარე ანალიტიკური მიზნებისთვის, რადგანაც აქ წარმოდგენილი ზოგიერთი მონაცემი შესაძლოა დაექვემდებაროს პერიოდულ გადახედვას და შესაბამისად, ისინი შეიძლება შეიცავდეს გაზომვის ცდომილებებს. მიუხედავად იმისა, რომ ყველა ზომა მიღებული მონაცემთა დროულად, კორექტულად და სრულყოფილად წარმოსადგენად, საქართველოს ეროვნული ბანკი არ იძლევა გარანტიას მონაცემთა სრულ სიზუსტეზე. მიმოხილვაში გამოქვეყნებული ზოგიერთი მონაცემი შესაძლოა განსხვავდებოდეს ეროვნული ბანკის ვებ-გვერდზე "სტატისტიკის" რუბრიკაში გამოქვეყნებული მონაცემებისგან, რადგანაც გაანგარიშებებში გამოყენებულია საზედამხედველო მონაცემები.

მონაცემები წარმოდგენილია 30/09/2023-ის მდგომარეობით.

დამატებითი კითხვებით შეგიძლიათ მიმართოთ ბექა გურგენიძეს

ელ-ფოსტა: Beka.gurgenidze@nbg.gov.ge ტელ: (+995) 579 170245



საქართველოს ეროვნული ბანკი
National Bank of Georgia

საქართველო, თბილისი 0114, სანაპიროს 2

(995 32) 2 406 406

info@nbg.ge; www.NBG.ge